

空故說有內識而實無有內識可取若不如是則不得說我空法空以是義故虛妄分別此心知彼心彼心知此心問曰又復有難云何得知諸佛如來依此義故說有色等一切諸入而非實有色等諸入又以識等能取境界以是義故不得說言無色等入答曰偈言彼一非可見多亦不可見和合不可見是故無塵法

十三末

宗鏡錄卷第六十三

漢三

攔落干煮章與迸北諱反反瀆則肝屎反式視尿反古沃反

也滂禾瓌反力脂反臍但雜反反墉餘封反反仞振而

平江路破學本殿學堂
妙顯圓悟普濟佛心大禪師本路嘉定州大報國圓通住持位明了伏觀本寺刊雕
一大藏經板勝事思念
法寶曆歲千生難遇夙何善種本幸遭逢由是發心施中經妙堂伯定聚龍藏書

四恩下資三有法界有情同蒙利益
延祐二年歲在乙卯八月

日題

宗鏡錄卷第六十四

漢四

慧日永明寺主智覺禪師 延壽集

第七夢覺相違難唯識論云若覺時色皆如夢境不離識者如從夢覺知彼唯心何故覺時於自色境不知唯識答唯識論云如夢未覺不能自知要至覺時方能追覺覺時境色應知亦爾未真覺位不能自知至真覺時方能追覺未得真覺恒處夢中故佛說為生死長夜由斯未了色境唯識即第七是生死長夜根本能令起惑造業三界輪迴直須至真覺位時方知一切皆是唯識所以唯識樞要問云若諸識生似我法時為皆由我法分別

熏習之力為亦不由若皆由者八識五識無二分別生果時應不似二若不由者此中無故但說我法熏習為因答二解俱得其皆由解者一切有漏與第七二分別俱故或第七識二分別引故後生果時皆似我法其不由解者此說第六根本兼緣一切為因緣發諸

識今熏習故後生果時似我法相起或非外似外六七計為似外起故如夢者夢婆刺拳王事此云流轉其王容貌端正自謂無雙求覓形容欲同等比顯已殊類時有人言王舍城中有大迦旃延形容甚好世中無比遣使迎之迦旃延至王出宮迎王不及彼人視迦

旃延無看王者王問所以衆曰迦旃延容貌勝王王問大德今果宿因迦旃延答曰我昔出家王作乞兒我掃寺地王來乞食我掃地竟令王除糞掃除糞掃訖方與王食以此業因生人天中得報端正王聞此已尋請出家為迦旃延弟子後共迦旃延往阿槃地國山

中修道別處坐禪阿槃地王名鉢樹多將宮人入山遊戲宮人見王形貌端正圍遶看之鉢樹多王見婆刺拳王疑有欲意問婆刺拳王曰汝是阿羅漢耶王答言非次第第二問餘三果皆答言非又言汝離欲不答言非鉢樹多王瞋曰何故入我姝女之中遂鞭身破悶

絕而死至夜方惺至迦旃延所迦旃延見已心生悲愍其諸同學方為療治婆刺拳王語迦旃延曰我從師乞暫還本國舉軍破彼阿槃地國殺鉢樹多王事畢當還從師修道迦旃延從請語曰汝若欲去且停一宿迦旃延安置好處令眠欲令感夢夢見舉軍征阿槃

漢四

二

地國自軍破敗身被他獲堅縛手足赤華挿項嚴誅欲殺王於夢中便大恐怖叫喚失聲云我今無歸願師濟拔作歸依處得壽命長迦旃延以神力手指火喚之令寤問言何故其心未惺尚言災事迦旃延以火照而問之此是何處汝自看其心方寤迦旃延語言汝

若征彼必當破敗如夢所見王曰願師為除
毒意迦旃延為說一切諸法譬如國土假名
無實離舍屋等無別國土乃至廣說種種因
緣至一極微亦非實事無此無彼無怨無親
王聞法已得預流果後漸獲得阿羅漢果故
知萬法唯識夢覺一如覺中所見即明了意

識夢中所見即夢中意識分別之意既同差
別之境何異迷悟若此曷疑慮焉昏覺如斯
可洞達矣第八外取他心難若論主言外色
實無是內識之境者即可然且如他人心是
實有豈非自心所緣耶意云且如此人心若
親緣得他人心著即離此人心別有心為境

若此人心緣他人心不著者即有境而不緣
若緣著即乖唯識義若緣不著者即何成他
心智耶論主答云雖說他心非自識境但不
說彼是親所緣意云雖說他人心非此人境
若此人親緣他人心即不得若託他人心為
質自變相分緣亦有他心智但變相分緣時

漢四

三

即不得他人本質但由他人影像相自心上
現名了他心即知他心相分不離自心亦唯
識意云此人心緣他人心時變起相分當情
相分無實作用非如手等執物亦非如日舒
光親照其境緣他人心時但如鏡中影似外
質現鏡中像亦無實作用緣他人心時亦復

如是非無緣他人心體故名了他心非親能
了親所了者謂自所變又古德問他心智者
謂既有他人心為自心之所知即是離自心
外有他人心為自心之境何得言無境唯有
識耶答謂緣他身扶塵根相分色亦不親得
但託為質如自身眼識緣第八識所變器世

間色時亦但託為質亦不親得其耳等四識
緣本識所變聲等亦耳以本質是第八識變
今望五識故名影識如五識等緣本識所變
本質境亦不親得雖亦得緣只成疎所緣緣
若如實知即是佛境者論云二智於境各各
由無知所覆蔽故不知如佛所行不可言境

此有二解一云是真如妙理言詮不及不可
 言境謂此離言真如之境唯佛獨能顯了分
 別證餘不能證者曰第七恒行不共無明所
 覆故不知二云不可言境者即他心智境及
 自心智境此二智名不可言境謂真如自相
 假智及詮俱非境故詮謂名言能詮之名既
 不得自相即顯自他二智之境是佛智所行
 不可言境由此一智所知之境自相是佛智
 所行不可言境餘人由恒行不共無明所覆
 蔽故不得如實而知也又既言此人緣他人
 心時託他人心為質自變相分緣者即相分
 不離此人心是唯識若他人心本質緣不著

者即離此人心外有他人心何成唯識耶因
 此便申第九異境非識難小乘云唯識之義
 但離心之外更無一物方名唯識既他人心
 異此人心為境何成唯識耶又他人境亦異
 此境即離此人心外有異境何成唯識答責
 云奇哉固執觸處生疑豈唯識言但說一識

漢四

四

汝小乘何以此堅執處處生疑豈唯識之言
 但說一人之識若言有一人之識者即豈有
 凡聖尊卑若無佛者衆生何求若無凡夫佛
 為誰說應知我唯識言有深旨趣論云唯識
 言惣顯一切有情各有八識六位心所所變
 相分分位差別及彼空理所顯真如言識之
 一字者非是一人之識惣顯一切有情各各
 皆有八識即是識之自體五十一心所識之
 相應何獨執一人之識 問維摩詰即入三
 昧令此比丘自識宿命曾於五百佛所殖衆
 德本迴向阿耨多羅三藐三菩提即時豁然
 還得本心者且如過去心已過去未來心未

至現在心不住云何觀他過去善根心 答
 約真即無隨俗故有一念心起尚具十世四
 運分別不可作龜毛兔角斷滅之見過去之
 法雖念念不住然皆熏在第八識中有過去
 種子知過去事者過去所熏得種現在阿賴
 耶識自證分中含藏然過去世時雖即無體

但將識中種為本質變影而緣即知過去世事此帶質境知也或云可緣心上影像相者即第六意識見分之上變起過去影像相而知也此即獨影境謂過去無體無本質也又過去之法若不落謝不名過去若已落謝無法可知若但曾逕心中有種影現前故說憶

漢四

五

知者是則但見自心不見彼法如月燈三昧經云佛言云何菩薩摩訶薩得過去未來現在智藏童子是菩薩如實知一切衆生心行準自心行次第所起觀自心法以無亂想修習方便如自心行類他亦爾隨所見色聞聲有愛無愛心皆如實知童子是名菩薩得過去未來現在知藏 問觀他心智者為實知他心為不實知二俱有過 答如前已說若立自他於宗俱失此皆約世諦識心分別故識論頌云他心知於境不如實覺知以非離識境唯佛如實知他心智者不如實知以自內心虛妄分別以為他心以自心意意識雜

故如彼佛地如實果體無言語處勝妙境界唯佛能知餘人不知以彼世間他心智者於彼二法不如實知以彼能取所取境界虛妄分別故此唯是識無量無邊甚深境界非是心識可測量故如上約法相宗說若約法性宗先德云知他心者皆如實知審於事實見

理實故亦非心外可見亦非無境可知若自他相絕則與衆生心同一體故無心外也不壞所故能知也又他心者安慧云佛智緣他心緣得本質餘皆變影若緣本質得心外法壞唯識故今以攝境唯心不壞境故能所兩亡不礙存故第一義唯心非一非異正緣他

時即是自故以即佛心之衆生心為所緣非即衆生心之佛心即衆生心之佛心為能緣非即佛心之衆生心如是鎔融非一非異若離佛外別有衆生更須變影却失真唯識義釋云攝境從心不壞境者即示心境有無彼得本質恐壞唯心既不壞境得之何妨壞有

何失以無心者無心於萬物萬物未嘗無此
 得在於神靜失在於物虛謂物實有故若唯
 心壞境則得在於境空失在於心有故以境
 由心變故說唯心所變不無何必須壞若以
 緣生無性則心境兩亡故借心以遣境境遣
 而心亡非獨存心矣若能所兩亡不礙存故

漢四

六

者上不壞境且遣懼質之病今遣空有之理
 故心境並許存亡心境因藉故空相依緣生
 故有有即存也空即亡也空有交徹存亡兩
 全云第一義唯心非一非異者正出具分唯
 心之理上第一釋雖有唯心之義尚通生滅
 唯心第二義雖兩亡不羈而未言心境相攝

今明具分唯識故云第一義唯心同第一義
 故非異不壞能所故非一非一故有能所緣
 他義成矣非異故能所平等唯心義成矣云
 正緣他時即是自故者結或得於本質無心
 外過以即自故不失唯識云以即佛心之衆
 生心正示法性他心之相此有兩對語前對

明所緣後對明能緣今初言即佛心之衆生
 心者此明所緣衆生心即是佛心此明不異
 次云非即衆生心之佛心者此句明衆生心
 與佛心非即非即故有所緣義非異故不壞
 唯心義言為所緣者結成所緣簡非能緣也
 次下辯能緣云以即衆生心之佛心者此句

明能緣佛心即是衆生心此明非異次云非
 即佛心之衆生心者此明佛心與衆生心有
 非一義非一故為能緣非異故不壞唯識之
 義言為能緣者結成能緣簡非所緣也更以
 喻況如水和乳乳為所和喻衆生心是所緣
 水為能和喻佛心為能緣以此二和合如似

漢四

七

一味鵝王唵之乳盡水存則知非一然此水
 名即乳之水此乳名即水之乳二雖相即而
 有不一之義故應喻云以即水之乳非即乳
 之水為所和以即乳之水非即水之乳為能
 和義可知矣云如是鎔融非一非異者結成
 正義若離佛外結彈護法言却失真唯識者

不知外質即佛心故又諸佛如來隨多心念
意能頓了如金剛經云尔所國土中所有衆
生若干種心如來悉知華嚴經須云無量億
劫勤修學得是無上菩提智云何不於一念
中善知一切衆生心此是意圖對如來一念
之中皆一時頓應無一不應故名圓對斯乃

了心非心方能徧應若心在有無則成隔礙
故金剛經云如來說諸心皆爲非心是名爲
心華嚴論問何謂諸佛知衆生心時與非時
答曰以如來心與一切衆生心本不異故是
一心一智慧故以知時與非時諸佛悟了而
與衆生共之衆生迷自謂爲隔一切諸佛以

一切衆生心智慧而成正覺一切衆生迷諸
佛智慧而作衆生及至成佛時還成衆生迷
理之佛所說法門還解衆生心裏迷佛衆生
以此不異故知衆生心又問曰大衆何不以
言自問因何默念致疑何不自以言讚勸請
云何供養雲出音請佛答曰明佛得法界心

與一切衆生同心故以心不異故知彼心疑
供具說頌者明一切法惣法界體也法界不
思議一切法不思議故明聖衆心境無二故
凡夫迷法界自見心境有二故即顛倒生也
又云心無內外中間萬法自他同體一亦不
一他亦不他故知凡聖同一真心衆生妄隔

而不知諸佛契同而頓了如鏡面照而鏡背
昏俱一銅體而分明昧猶河水清而河泥濁
在一濕性而有混澄凡心聖心可喻斯旨
問衆生緣佛身時是識所變只如佛緣所化
有情身土之時是何所變 答若衆生見佛
是有漏轉識所變相分等流色攝若佛緣有

情是無漏智所變定果色攝識智雖殊俱不
出自心之境並是增上緣力互令心現如義
天鈔云依大乘宗通說依於他身及非情法
謂以自心緣他身時不親緣彼但緣自識所
變相分爲親所緣此相分色雖託他身本質
而起然非依彼他識而生由自識中種子生

故故此相分等流色攝是五塵色之流類故託他爲質方變影像是增上緣此所變相分從自種生是因緣義即顯自心緣得他身得依現行處有是於他身現行成就以從自心種子生故亦是依種建立於得即種子成就也以此理故有情見佛色身之時所緣佛身

唯是有漏自識變故自種生故等流色攝緣佛所變淨土亦爾若佛緣所化有情色身及穢土時所變相分皆是無漏無實有情離染等用如鏡中像全是明鏡無漏定果色攝亦是等流色收是外五塵之流類故佛識變故無垢識中淨種生故 問若論一心無外境

界如前九難答已分明則眼際無色耳外無聲如今所見所聞爲當是一爲當是二爲復是有爲復是無若言是一則壞能所若言是二又違自宗若言是有根境常虛若言是無現見不濫如何融會得契斯旨 答如大地一生種種芽類八識心現種種法所觀是藏

漢四

九

識之相分能見是眼識之見分能所雖分俱不離識皆是現量不帶名言則非有非空非一非二若落比量執作外塵則一二情生內外心起密嚴經偈云如地無分別庶物依以生藏識亦如是衆境之依處如人以已手還自摩捏身亦如象與鼻取水自濡沐復以諸

嬰兒以口含其指如是自心內現境還自緣是心之境界普徧於三有久修觀行者而能善通達內外諸世間一切唯心現華嚴經頌云譬如深大海珍寶不可盡於中悉顯現衆生之形影甚深因緣海功德悉無盡清淨法身中無像而不現正法念處經云又修行者內心思惟隨順正法觀察法行乃至云何世間愚癡凡夫眼見色已或貪或瞋或生於癡彼諸凡夫若見如識若見婦女心則生貪若復異見則生於瞋見他具足貪瞋所覆以眼於色不如實見癡蔽於心愚癡凡夫唯有分別眼見於色若貪若瞋若癡所覆愛誑之人

自意分別此我我所如是染著譬如狗齧離肉之骨涎汁和合望得其髓如是貪狗齒間血出得其味已謂是骨汁不知自血有如是味以貪味故不覺次第自食其舌復貪其味以貪覆故謂骨汁味愚癡凡夫亦復如是虛妄分別眼識見色貪著喜樂思量分別以色

枯骨著眼口中境界如齒如是齧之染意如涎愛血流出貪愛血味為色為美於色得味猶如彼狗凡夫愚癡眼識見彼如骨之色虛妄分別如狗齧骨如是觀察眼見於色猶如枯骨如是一切愚癡凡夫虛妄分別之所誑惑又云閻羅王說偈責疏罪人云若屬邪見

者彼人非黠慧一切地獄行怨家心所誑心是第一怨此怨最為惡此怨能縛人送到閻維處故知諸苦所若貪欲為本若貪心暫起為五欲之火焚燒覺意纏生被三界之輪繫縛如帝釋與脩羅戰勝造得勝堂七寶樓觀莊嚴奇特梁柱檣栴皆容一綫不相著而能

漢四

十

相持天福之妙力能如此目連飛往帝釋將目連看堂諸天女皆羞目連悉隱逃不出目連念帝釋著樂不修道本即變化火燒得勝堂嚇然崩壞仍為帝釋廣說無常帝釋歡喜後堂儼然無灰煙色釋曰以帝釋恃其天福執著有為故目連垂方便門示無常境 問

天堂既嚇然崩壞云何儼然無灰煙之色答此火非是目連神通之火即是帝釋心中火故法華經云貪著所愛則為所燒既以貪著之心遠見宮殿焚藝及悟無常之事則貪欲之火潛消所以即見堂殿宛然無有灰煙之色以目連為增上緣故自見被燒然則堂本不燒故知迷悟唯心隱顯在已例餘見聞悉亦如是又經云惡從心生反以自賊如鐵生垢消毀其形樹繁華果還折其枝蛇含毒反害其驅方知無始已來至于今日四威儀內十二時中皆是將心取心以識緣識畢竟內外無有一塵為對為治可取可捨堪嗟

世俗迷倒之人背覺合塵日用心行損他害

彼潤已資身並是自陷自傷不知不覺未窮

此旨物我難忘直了斯宗自他無寄百論問

云如虛空華無故不可見如瓶現見故當知

有瓶答曰不見何故不見汝言現見為眼見

為識見若眼見者死人有眼亦應見若識見

者盲人有識亦應見若根識一一別不見和

合亦不見喻一盲不能見衆盲亦不見五根

亦爾四性皆空大智度論云色等諸法不作

大不作小故凡夫人心於諸法中隨意作大

小如人急時其心縮小安隱富樂時心則寬

大又如八背捨中隨心故外色或大或小等

故摩訶般若經云般若波羅蜜無聞無見諸

法鈍故是以凡夫界中觀相元妄聖人境內

觀性元真以觀相故不得無以觀性故不得

有以不得無故如但見其波不見其水以不

得有故但見其水不見其波又如向瞽眼人

說空中無華對狂病人說目前無鬼徒費言

語終不信受直待目淨心安自然無見

十一

宗鏡錄卷第六十四

漢四

刺虛連療療力照反插楚洽反也羈居宜噤所反甲

握於角反也絞五巧延叙連反也黠胡八反也瞥結反也

反也棉五尚緹私箭燦呼格反也儼魚檢反也藝反藝反

反也蚯五官反也縮所六反也楷章移反也棉五即反也

反也毒五官反也縮所六反也楷章移反也棉五即反也

平江路磧砂寺大藏經局校

妙明園所藏是佛光大藏經本卷第六十四大藏經目錄卷第六十四

一六藏經板勝書田定念

陸特勝錄千生難過何善種公幸達達而具發心誌中說鈔但愛助緣離德善

四恩下言三有法界有情同體利益

癸卯年歲在乙卯八月

日題

宗鏡錄卷第六十五

漢五

慧日永明寺主智覺禪師 延壽集

夫能所之見則心境宛然聖人知見如何甄

別 答雙照有空不住內外似谷答聲而絕

慮如鏡鑒像而無心妙湛圓明寂而常照故

云常在正念亦名正知非是有念有知亦非

一